

Edificio y empresa ya no ta propiedad di Zepp Wever

Inventario La Hoja asegura pa 1.2 Millon

Zepp ta doño di edificio di Hartog y Botica

ORANJESTAD(AAN)-- E edificio cu a bay perdi den candela y e empresa La Hoja ya no ta propiedad di Zepp Wever, cu ta doño di e edificio cu ta acomoda Hartog y Botica Oduber. E inventario di La Hoja tabata asegura pa 1.2 Millon, mientras cu e edificio

tambe tabata segura.

Ayera tur cos tabata indica cu Zepp Wever a haya un sla formal. Pero Zepp Wever, conocido ciudadano, a keda salba di desastre, ya cu su edificionan no a kima.

Informacion cu DIARIO a ricibi ta indica cu doño di La

Hoja no ta Zepp Wever, pero su yiu muher Yolanda Wever y su yiu homber. E edificio cu a kima lo ta propiedad di e otro yiu di Zepp Wever, esta Chonai.

Zepp Wever mes lo ta doño di e edificio cu ta acomoda Hartog y Botica Oduber, segun informacion.

Mientrastanto otro informe a revela cu e inventario di La Hoja, incluso e vehiculonan, tabata asegura pa 1.2 Millon

Florin, mientras cu e edificio cu a bay perdi den candela tambe tabata asegura.



Un incendio di magnitud a keda registra....



Rapidamente candela a destrui e edificio cu a acomoda La Hoja....